

AEN MIJN EERVVEERDICHSTE HEERE
DIONYSIUS CHRISTOPHORII
Bischoep der Stede van Brugghe, Erf-cancellier van Vlaendren :

ENDE VVEERDE ENDE EDELE HEEREN,

M'HER FLORIS VANDEN EECHOVTE, RIDDER,
Heere van Aygremont, Rozuvel, &c. Schoudhet:

M'HER ROELANT DE GRAS, RIDDER,
Heere van Nokere, &c. Burghmeester van Schepenen:

M'HER NICOLAES DE SCHIETERE, RIDDER,
Heere van Rymsele, Maerloop, &c. Burghmeester
van 'tGhemecnte :

ENDE D'ANDERE EDELE, VVYSE, ENDE VOORSIENIGE
HEEREN VVETHOVDERS
der voornoemder Stede van Brugghe.

YN^r HEEREN,

MNaedemael v.l. EERVVEERDICHEYDT
ende EDELHEYT eenfaemdelijc ge-
raemt ende ghesloten hebben, voortaan bin-
nen dese Stede geene openbaere oneerlijcke
huysen meer te ghedooghen; vvaer door van
alsnu de meest-vermaerde ende onsfuyverste
gesuyvert zijn: vele zijnder met my seer ver-
blijdt ende ghesticht gevveest, in den goeden
yver die de selve v.l. EERVVEERDICHEYT ende
EDELHEYT is dryvende, om uyt den vveghe te
legghen den steen, vvaer over menighe men-
schen soo onbedachtelijck pleghen te vallen.

Ende vwant dit niet alleene ghelijckvormigh
en is de Wet Godts; (a) maer oock der nature,
die de Heydenen selfs (b) geleert heeft, alsul-
ke quaet uyt hunne gemeynte te bannen; het
vvaere seerte vvenschen, dat alle landen ende
steden des Christenrijcks van gelijcke deden.
Tot het vvelcke om naer mijn vermoghen
elck een spoore te gheven, hebbe nut ende
goedt gevonden, dese VENVs-BAN in dichte
ende lichte te bringhen, op dat t'allen tyden
eñ plaetsen, alsulcken v.L.EERVVEERDICHEYTS
ende EDELHEYTS yver kenbaer ghemaect zijn-
de, tot een voorbeeldt aen alle Overheydt

(a) Deut:
23 Nō erit
meretrix de
filiabus Is-
raël, nec
scortator
de filiis Is-
raël.

(b) Lam-
prij. de A-
lexandro
Severo:
Mulieres
infames,
quarū in-
finitū nu-
merum de-
prehende-
rat, publi-
cari iussit.

mochte dienen. Ghemerckt dan dat v.l. EER-
VVEERDICHEYDT ende EDELHEYDT dies hebben
ghevveest d'oorfaecke, en hebbe niet vwillen
laten, aen de selve, desen mynen aerbeydt toe
te eygenen; biddende ghedient te vvesen van
die soo danckelijck te ontfanghen, ende met
soo goeder herten, als die v.l. EERVVEERDICH-
HEYT ende EDELHEYT toegeschickt heeft

Myne EERVV. ende Ed. Heeren,

V.L. Eerw^{ts} ende Ede^{ts} goetwilligen dienaer

OLIVIER DE VVREE.

In Brugge desen 29. van VVintermaent 1624.